



Aningaasatigut peqquserluutunik malunnarunnaarsaaneq aamma peqqarniisaarniarnermut aningaasalersuineq pitsaaliorniarnilugit pineqaatissiissutit pillugit inatsisini (aningaasatigut peqquserluutunik malunnarunnaarsaaneq pillugu inatsit) inatsisit assigiinngitsut aalajangersagaanni, Kalaallit Nunaani ataatsimut peqqussummik Kalaallit Nunaanni Namminersorlutik Oqartussat atulersitsinerat pillugu Inatsisartunut aalajangiiffigisassatut siunnersuut

(Aningaasaqarnermut Akileraartarnermullu)

(Siullermeerneqarnera)

Demokraatinut pingaartuuvoq, inatsisitta pitsaaliuineranut aningaasatigut peqquserluutunik malunnarunnaarsaaneqarnermut peqqarniisaarniarnermullu aningaasalersuineranut nutartertuarneqarlutillu malinnaatinneqartuarnissaat nunarsuatta kitaani suliniutinut. Aningaasatigut peqquserluutunik malunnarunnaarsaaneqarnermut, peqqarniisaarniarnermut aningaasalersuineranut aningaasatigullu inatsisitigut unioqqutitsinernut allanut pitsaaliuineranut eqeersimaartuussaagut. Siunnersuummi tassunga tunngasut allanik oqaaseqaateqaqqinnata taperserpagut.

Siunnersuuteqarnerfmi taamatuttaaq siunertarineqarpoq, aningaasanut tigusassanut inerteqqutitut taaneqartartup 50.000 koruuniniit 15.000 koruuninut sukaterneqassasoq, taamaaliornerup kingunerissallugu, namminersortut inuussutissarsiuteqartut annerpaamik aningaasanik aningaasanngorlugu 15.000 koruuninik tigusaqarsinnaa. Tunngavilersuut unaavoq, Danmarkimi aamma taamaaliortarmata.

Demokraatini Danmarkimi pissutsit sikorniinnarluta malinnissaat kissaatiginngilarput, taamaattumillu kissaatigaarput siunnersuutip taannartaata naleqquttuunersoq misissorluarneqarnissaa. Tassunga atasumik sukumiisumik misissortariaqarpoq, aningaasanik tigusassaqaaraanni qanoq annertutiginersut tigusassat piffinni soorlu assersuutigalugu nunani EU-mut ilaasortaasuni, Islandimi, Canadami USA-milu.

Taamatut oqaaseqaateqarluta siunnersuut ataatsimiititaliamut susassaqartumut suliareqqitassatut innersuupparput